

幼科證治準繩

七三三


瀉利兼證
腹痛
水種

腹痛
腹脹

漢書門類	一	三	〇	一	一
類	二	一	一	一	一
號	二	一	一	一	一
函	二	一	一	一	一
架	四	一	一	一	一
册	六	五	一	一	一

內閣文庫	漢書	函架册號
三〇一	六三	二四一


內閣文庫	番號	漢	13011
	冊數	65	(54)
	函號	301	63



瀉痢兼證

瀉痢兼證
此者皆身體淨通將痛弱不能起水飲也亦必
痛主陣小兒上焦未變今又利下焦痛上焦
感寒氣滯肝故也 平生在飲食後腹痛
肝氣滯氣滯則 痛也

醫學字館寄函
東京市書籍之記



瀉痢兼證

渴巢氏病源小兒利兼渴候此是水穀利津液枯竭
 腑臟虛燥則引飲若小便快者利斷渴則止若小便
 澀水不行於小腸滲入腸胃渴亦不止利亦不斷凡
 如此者皆身體浮腫脾氣弱不能尅水故也亦必眼
 痛生障小兒上焦本熱今又利下焦虛上焦熱氣轉
 盛熱氣熏肝故也 茅先生以為食傷脾胃所致先
 用醒脾散勻氣散調一日後下調中飲三方俱夾乳
 香散瀉龍涎膏瀉調理即愈 千金單搗冬瓜汁飲

瀉痢兼證

二行

之

千金治少小壯熱渴引飲下痢龍骨湯

龍骨

甘草炙

大黃

赤石脂

石膏

桂心

寒水石

菰蔞根各貳兩

右八味治下節以酒水各五合煮散合二沸去滓

量兒大小服之

外臺麥門冬湯 療少小夏月藥大下後胃中虛熱

渴

麥門冬去心

甘草炙各肆分

枳實炙

黃芩

人參各叁分

龍骨陸分

右六味切以水二升煮取九合去滓分溫服

外臺檉皮飲子 療小兒渴痢

梁州檉皮拾貳分

菰蔞

茯苓各捌分

人參

陸分

粟米

貳分

右五味切以水三升煮取一升二合去滓分服量

大小與之

外臺劉氏療小兒痢渴不徹肚脹不能食方

訶梨勒皮

陸分

桑葉拾分

右二味切以水一升煮取五合去滓分服之亦治

大人

子母秘錄小兒赤白痢渴及得水喫又嘔逆方

右炙楮葉令香黃以飲漿半升浸楮葉使水綠色然後去葉以木瓜壹箇切內葉汁中煮三二沸去木瓜使煖細細服渴停

聖惠黃耆散 治小兒痢渴心胸煩悶不欲飲食

黃耆剉 麥門冬去心焙 黃芩各參分

烏梅肉參枚微炒 龍骨壹兩 白朮

黃連微炒去鬚 各半兩

右件藥搗麤羅為散每服一錢以水一小盞煎至

五分去滓不計時候量兒大小分減溫服

黃芩散 治小兒痢渴不止

黃芩 訶梨勒煨用 檉株皮各半兩

訶藟根 黃連去鬚 當歸剉微炒 各參分

烏梅肉壹分微炒

右件藥搗麤羅為散每服一錢以水一小盞煎至

五分去滓不計時候量兒大小分減溫服

當歸散 治小兒痢渴腹內疼痛不止

當歸剉微炒 黃連微炒 黃耆剉各參分

乾薑炮裂 甘草炙微赤剉 各半兩

右件藥搗麤羅爲散每服一錢以水一小盞煎至五分去滓不計時候量兒大小分減溫服

龍骨散 治小兒痢渴體熱煩悶

白龍骨 壹兩

胡黃連 半兩

茯神

人參 去蘆

茅根 剉

麥門冬 去心焙 各叁分

右件藥搗麤羅爲散每服一錢以水一小盞煎至五分去滓不計時候量兒大小分減溫服

藍葉散 治小兒痢渴煩熱不正

藍葉 貳分

赤茯苓 壹分

赤石脂 壹兩

黃連 微炒 去鬚

冬瓜仁

醋石榴皮 剉碎 微炒

各半 兩

右件藥搗麤羅爲散每服一錢以水一小盞煎至五分去滓入蜜半茶匙更煎三兩沸不計時候量大小分減服之

地榆散 治小兒痢渴或下五色惡物心神煩熱不正

地榆

白茯苓

黃藥 微炙剉 各壹兩

右件藥搗麤羅爲散每服一錢以水一小盞煎至五分去滓不計時候量兒大小分減服之

黃連散 治小兒痢渴煩熱喫水不知足

寫刺兼登濁

切斗七

百五

黃連

去鬚 微炒

牡蠣

燒研為粉 各半兩

烏梅肉

微炒

甘草

炙 微炒

訶梨勒

煨用皮 各壹分

右件藥搗麤羅為散每服一錢以水一小盞煎至

五分去滓不計時候量兒大小分減溫服

檫皮散 治小兒痢渴不止

櫻株皮

壹兩

訶梨勒

白茯苓

各叁分

人參

半兩去蘆頭

右件藥搗細羅為散不計時候以粟米飲調下

錢量兒大小以意加減

甘草散 治小兒痢渴不止

甘草

炙 微炒

烏梅肉

微炒 各壹兩

訶梨勒

貳枚煨用皮

右件藥搗麤羅為散每服一錢以水一小盞入生

薑少許煎至五分去滓放溫不計時候量兒大小

分減服之

黃芩丸 治小兒痢渴不止壯熱腹痛

黃芩

訶梨勒

黃連

去鬚 微炒

當歸

剉 微炒 各叁分

臭檮株皮

炙 微炒

訶梨勒

煨用皮 各半兩

烏梅肉

伍枚 微炒

右件藥搗羅為末鍊蜜和丸如菉豆大每服以粥

飲下七丸日三四服量兒大小加減服之

太醫局人參散 調中和氣止嘔逆除煩渴治昏困
多睡乳食減少及傷寒時氣胃氣不順吐利止後
躁渴不解

人參去蘆頭

白茯苓去皮

木香

甘草炙

藿香葉各壹分

乾葛剉貳兩

右件為末每服一錢水一中盞煎七分去滓放溫服不計時候

嬰孺子芩湯 治小兒大熱痢兼渴增寒

子芩

枳殼炒

黃蘗各肆分

石膏拾貳分

竹葉切壹升

檉皮拾分

人參米分

右以水五升煮一升六合七歲兒為三服四五歲兒為四服以次量與之服

菰蘆湯 治小兒有熱不調渴痢

菰蘆

知母

茯苓各捌分

甘草

黃蘗各肆分

人參陸分

黃芩

檉皮各拾分

右以水五升煮一升半五六歲兒為三服
冬瓜湯 治小兒渴不止痢不住

冬瓜切捌合

菰蘆拾貳分

茯苓

高麗參登渴

知母各捌分

麥門冬伍分

粟米貳合

右水五升煮一升四合新布絞去滓量兒與之

張渙建胃散治泄瀉身熱煩渴

厚朴去麤皮生薑汁製炙香熟

川黃連

肉豆蔻各壹兩

縮砂仁

乾薑炮

白朮炮

木香各半兩

右件搗羅為細末每服一錢水一小盞入生薑粟

米少許煎至五分去滓溫服

碧香丹治小兒吐利後大渴不止不得眠睡甚則

成疳

天竺黃

龍骨

不灰木燒赤放冷

赤石脂各壹兩為末

鐵粉

定粉

鉛白霜

細蛤粉各壹兩並細研

右件通拌勻入麝香半兩同研勻滴水和在如雞

頭大每服一粒至兩粒用炮螺兒兩箇研細沸湯

浸水沉極冷化下大渴即與服神驗

寶鑑竹茹丸治小兒渴瀉

黃連壹兩好者剉作塊子一相似茱萸壹兩二味相和滴蜜炒令黃赤色去了茱萸

右件為末薄糊為丸如蘿蔔子大每服十丸竹茹

煎飯飲吞下

馬利藥證渴

卷三

人參白扁豆散 治脾胃不和不思飲食吐瀉渴水
及小兒虛熱煩躁

人參

白扁豆去皮炒熟

白朮

茯苓各壹兩

瞿粟子

甘草炙

山藥各半兩

右為末每用二錢水一中盞入薑二片棗半箇同煎至七分通口服如腹疼痛加紫蘇煎小兒虛熱加薄荷同煎

吉氏家傳治五痢喫湯不徹肚脹不食方

訶子皮

桑白皮各陸錢

木右水二升煎三合服之立差

吉氏六神丸 治疳瀉渴飲無度

木香

丁香

豆蔻以麪裹此

火煨候麪熟為度

史君子去殼

訶子去核各半兩

蘆薈壹兩

右件為末棗肉丸如菉豆大每服三五丸米飲吞下

腹痛 聖惠黃連散 治小兒久赤白痢不止腹痛羸

弱不欲飲食

黃連壹兩去鬚微炒

厚朴去麁皮塗生薑汁炙令香熟

馬利車登腹瀉

乾薑炮裂

木香

艾葉微炒

龍骨各半

當歸微炒

黃牛角鯁燒灰

烏梅肉壹分

右件細末每服以粥飲調下半錢日三四服量兒

大小加減服之

黃檗丸 治小兒久白痢腹脹疔痛

黃檗微炙

當歸微炒

右件藥搗羅為末煨大蒜和丸如菉豆大每服以粥飲下七丸日三四服量兒大小加減服之

木香散 治小兒久赤白痢腹脇疼痛

木香

訶梨勒煨用

臭樗株皮微炙

木賊

黃連去鬚微炒

右件藥搗細羅為散每服以粥飲調下半錢日三

四服量兒大小以意加減

肉豆蔻散 治小兒久赤白痢腹內疔痛全不思食

漸至困羸

肉豆蔻參枚

青橘皮湯浸去白瓢焙黃牛角鯁微炙

當歸

地榆

厚朴去麤皮塗

熟令香

黃連去鬚微炒

乾薑壹分

右件藥搗細羅為散每服以粥飲調下半錢日三

瀉痢辨證

四服量兒大小臨時加減

龍骨丸 治小兒久赤白痢不止腹痛

白龍骨

黃連

黃檗

木香

訶梨勒

胡粉

白礬

乾薑

當歸

右件藥搗羅為末煉蜜和丸如菉豆大每服以粥

飲下五丸日三四服量兒大小臨時加減

錢氏小香連丸

張煥順胃丹 治瀉利蟲煩腹痛

高良薑

乾漆

肉桂

白朮

肉豆蔻仁

右件搗羅為細末白麩糊和丸如黍米大每服十

粒粟米飲下量兒大小加減

建中丹 治泄注不止腹痛多啼

胡椒

蓬莪茂

肉豆蔻

全蠍

右件為細末白麩糊和丸如黍米大每服十粒米

飲下

九籥衛生固氣丸 療小兒脾胃虛怯泄瀉腹痛

用絕大肉豆蔻壹枚劈破填滴乳香壹塊用醃麩

瀉痢辨證

瀉痢

裹慢火內煨候麪熟爲度去麪不用將肉豆蔻乳香同爲細末麪糊和丸如菘豆大每服二十九乳食前米飲下

張氏聖餅子 治小兒久痢腹痛脫肛下血

神麪 壹兩 膩粉 壹錢

右件二味拌合令勻後以雞子清調拌上件藥稀稠得所捏作餅子如錢大小於火上炙令黃熟每服一餅於早晨空心同油餅喫之後進飲少許
吉氏紫霜丸 治小兒久積胸高羸瘦赤白痢疾肚腹痛甚

丁頭代赭石 半兩火煨五遍醋淬五遍

杏仁 貳柒粒 取霜

乳香 朱砂 木香 各壹錢

宣黃連 壹分 去頭 輕粉 半錢 麝香 少許

肉豆蔻 貳箇麪裹炮 巴豆 拾粒 取霜

右爲細末稀麪糊爲丸如梧桐子大每服七丸至十五丸紫蘇飯飲吞下

羸瘦 巢氏云小兒腸胃虛弱受風冷 聖惠作 則下利 利斷後脾胃尚虛穀氣猶少不能榮血氣故羸瘦 外臺劉氏療小兒痢後虛手足心熱痢縱未斷亦可服之方

橘皮

生薑

各一分

右二味切以牛乳半升煎取四合去滓分温服之
聖惠桔梗丸治小兒久利不斷肌體羸瘦食不消

桔梗

去蘆頭

神麴

微炒各壹兩

麥蘖

烏梅肉

微炒

厚朴

去蘆皮塗生薑汁炙令香熟

白朮

人參

去蘆頭

赤石脂

黃芩

龍骨

桂心

甘草

炙微赤剉各半兩

黃連

壹兩半去鬚微炒

黃雌雞骨

壹具淨洗

去肉酒浸宿炙令黃

右件藥搗羅爲末煉蜜丸如菽豆大每服以粥飲

下五九日三服量兒大小加減服之

雄黃散

治小兒久痢不差羸瘦壯熱毛髮乾焦不能飲食

能飲食

雄黃

蘆薈

青黛

朱砂

熊膽

麝香

龍膽

去蘆頭

黃連

去鬚微炒

黃檗

微炙剉

當歸

剉微炒

白芷

細辛

甘草

炙微赤剉各壹分

蚱蟬

朱砂去足

乾蝦蟇

壹兩塗酥炙令黃焦

右件藥搗細羅爲散入研了藥更研令勻每服以

井華水調下半錢日三四服量兒大小以意加減

雞子粥 治小兒下痢不止瘦弱

雞子 壹枚

糯米 壹合

右煮粥臨熟破雞子相和攪勻空腹入少醋食之

張煥龍骨湯 治小兒痢久成疳漸漸黃瘦

龍骨

訶梨勒皮 炮

赤石脂 各半兩

醋石榴皮 炒黃

木香

史君子仁 各壹分

右件搗羅為細末每服半字至一錢點麝香湯調下

浮腫惠濟論小兒痢瘥後遍身腫候歌 冷痢日久失醫治遍身浮腫却如吹脉洪是氣化為水沉實還

因積有之順氣腫消為上法氣平兩日定多尿莫交食飽還憂滯此疾元因積損脾惠濟論塌氣散

藿香

白牽牛

甘草 各炒

木香 各壹錢

右為末每服半錢紫蘇湯下

止渴聖効散 治小兒因吐利氣虛津液減耗生疳煩渴飲水不休面腫脚浮腹大頭細小便利白全不喫食

乾葛

白芷 各貳兩一兩炒黃一兩生用

沈氏書

卷之十

腹痛

細墨貳兩一兩火煨
兩生用

黃丹貳兩一兩
炒紫色

右同為細末每服半錢倒流水調下

腹痛

楊夫腹痛者多因邪正交攻與臟氣相擊而作也挾
 熱而痛者必面赤或壯熱四肢煩手足心熱見之挾
 冷而痛者必面色或白或青手足冷者見之冷甚而
 變證則面黯唇白俱黑爪甲皆青矣熱證四順清涼
 飲裏熱加青皮枳殼冷證七氣湯加辣桂調蘇合香
 丸若邪正交攻冷熱不調桔梗枳殼湯加青皮陳皮
 木香當歸為妙若內吊等證則釣藤散夜啼其餘則
 芍藥甘草湯為要藥也實痛有熱者大柴胡湯傷寒

腹痛

刀十七

卷之十

主之心腹痛甚有實熱者大承氣湯傷寒下之腹痛
桂枝加芍藥痛甚桂枝加大黃見方並薛小兒腹
痛口中氣冷不思飲食脾土虛寒也用調中丸食不乳
主之口中氣溫大便酸臭積痛也用下積丸治之面
赤壯熱或手足並熱實熱也用瀉黃散脾瀉之面黃
微熱或手足並溫虛熱也用異功散吐瀉補之若作
渴飲湯胃氣虛熱也用白朮散渴若痛連兩脇肝木
乘脾也用四君子湯吐瀉加柴胡芍藥若腹痛重墜
脾氣下陷也用補中益氣湯虛熱加升麻若手足指
冷或吃逆泄瀉寒水侮土也用六君炮薑肉桂不

急加附子若服尅滯之藥致腹作痛按之不痛脾氣
復傷也用五味異功散中脘痛者屬脾少腹痛者屬
腎按之痛者為積滯不痛者為裏虛積滯者消之虛
者補之 婁氏分曲腰乾哭無淚者為盤腸內釣痛
面眇白不思食為胃冷痛 面赤唇焦便黃為熱
痛 面黃白大便醋臭為積痛 口淡而沫自出為
蟲痛 曾氏又有臟寒痛鎖肚痛癥瘕痛痙痛癖痛
吊腎痛偏墜痛寒疝痛 各有治法今臚列於後
寒痛茅先生歌云面青面白猶自可黑色如青瓜一
同此是腹心生冷痛須將溫藥裏頭攻 錢氏云胃

復痛寒痛

刀斗七

二百三

虛冷面眺白色腹痛不思食當補益脾益黃散主之
若不_レ下利者調中丸主之益黃散治下利而痛也
調中丸治不利而痛也
曾氏臍寒痛議附胎寒論後

益黃散

脾

調中丸

白朮

人參

甘草炒各半兩

乾薑

炮肆錢

右為細末蜜丸如菉豆大每服五七丸至十五丸
食前溫水下海藏云仲景理中例也
當歸散 凡小兒夜啼者藏寒而腹痛面青下冷不

此乳是也宜此方服之效

當歸

去蘆頭

白芍藥

人參

各壹錢

甘草

炙分

桔梗

陳皮

各壹錢

右吹咀煎五分時時少服愈

七氣湯 治七氣所傷痰涎結聚心腹亦痛不能飲

食

半夏

製焙伍兩

人參

辣桂

去皮各壹兩

甘草

半兩

右剉細每服三錢水一大盞薑五片棗一枚煎食
前服

指迷七氣湯 治七情相干陰陽不升降氣道壅滯

攻衝作疼

青皮

陳皮

桔梗

蓬朮

辣桂

益智仁 各壹兩

香附子 壹兩半

甘草

加半夏 製各半錢半

右剉細每服三錢水一盞薑四片棗一枚煎至七分不拘時服

張渙寬中湯 治心腹疼痛不可忍者

高良薑

木香 各半兩

丁香

青橘皮 炒黃

桔梗

甘草 各壹分

右件搗羅為細末每服半錢溫酒調下

蓬莪朮丹

蓬莪朮

炮製乘熱剉碎

當歸 洗焙乾 各壹兩

木香

人參 去蘆頭

桂心 各半兩

黑牽牛 炒微黃 壹分

右件搗羅為末細白麪糊和丸如黍米大每服十粒煎生薑湯下量兒大小加減

溫胃丹 治腹痛啼哭不止

人參 去蘆頭

白朮 炮各壹兩

五味子

當歸 洗焙乾

高良薑 各半兩

木香 壹兩

右件搗為細末白麪糊和丸如黍米大每服十粒

復痛寒痛

刀斗七

百五

米飲下

橘香散

青橘皮炒

吳茱萸

木香

當歸洗焙乾

乾薑炮

丁香各半

右件搗羅為末每服一錢水八分一盞入生薑二

片煎五分去滓放溫熱服食前

曾氏懷香湯 和脾胃進飲食理腹痛散邪氣

懷香炒

良薑剉碎用東壁土

蒼朮

米泔水浸一宿去麤皮瀉乾剉片炒至微黃色貳兩甘草炙壹兩

右剉焙為末每服一錢燒鹽湯空心調下

熱痛錢氏云熱痛亦啼叫不止夜發面赤唇焦小便

赤黃與三黃丸裏人參湯下

嬰孺治小兒腹痛天糾不能哺乳茯苓丸方

茯苓

黃連各壹兩

右為末用蜜為丸如大豆大飲下量加

積痛錢積痛口中氣溫面黃白目無精光或白睛多

及多睡畏食或大便酸臭者當磨積宜消積丸甚者

白餅子下之後和胃用白朮散消積丸白餅子方見

曾積痛腹中陰陰而痛面黃不食兒大者口吐酸

餒氣先治積滯後調脾胃其痛自止仍辨虛實和解

腹中痛熱痛積痛

壹兩

治法見後癥積條中

湯氏三稜散 治積氣肚痛

白砂仁

甘草

益智炒去殼

三稜

蓬朮

青皮炒各等分

右為末白湯點下

丹溪云食積腹痛必用紫蘇萊菔子之類 初虞世

治小兒好喫粽成肚痛用黃連白酒藥等分為丸服

蟲痛 蟲痛面眦白心腹痛口中沫及清水出發痛有

時 田氏云蟲痛啼哭俛仰坐卧不安自按心腹時

時大叫面無正色或青或黃唇白又目無精色口吐

涎沫此為蟲痛 錢氏云積痛食痛虛痛大同小異

惟蟲痛者當口淡而沫自出治之隨其證用藥蟲與

癩相似小兒本怯故胃虛冷則蟲動而心痛與癩略

相似但目不斜手不搐也安蟲散主之 曾氏云虵

蟲動痛口吐清水涎沫或吐出蟲痛不堪忍其疾因

食甘肥葷腥太早而得故胃寒蟲動作痛其蟲吐來

或生或死兒小者此痛苦甚亦致危難先以理中湯

吐瀉 加烏梅水煎服使胃暖不逆次蘆薈丸疳使君

子丸化蟲飲主之有兒大者面眦白而間黃色肉食

倍進肌體消瘦腹中時復作痛此有血鼈虵蟲雜乎

復痛蟲痛

刀手七

行三

其間以二聖丸下之。又有胃受極寒極熱亦令蟲動或微痛或不痛遽然吐出法當安蟲爲上若以治蟲反傷胃氣固不可也因寒而動者用理中湯加烏梅水煎服因熱而動者用吡咀五苓散亦加烏梅水煎投。辛氏女子五歲病蟲痛諸醫以巴豆乾漆硃砂之屬治之不效至五日外多哭而俛仰睡卧不安自按心腹時大叫面無正色或青或黃或白或黑目無光而慢唇白吐沫至六日胸高而卧轉不安召錢至錢詳視之用蕪荑散二服見目不除青色大驚曰此病大困若更加瀉則爲逆矣至次日辛見錢曰

夜來三更果瀉錢於瀉盆中看如藥汁以杖攪之見有丸藥錢曰此子肌厚當氣實今證反虛不可治也辛曰何以然錢曰脾虛胃冷則蟲動而今反目青此肝乘脾又更加瀉知其氣極虛也而丸藥隨糞下即脾胃已脫兼形病不相應故知死病後五日昏篤七日而死

錢氏安蟲散 治小兒蟲痛

胡粉炒黃 鶴虱炒黃 川棟子去皮核

白礬枯貳錢半

右爲細末每服一字大者五分米飲調下痛時服

復有蟲痛

刀月七

百五

治蟲動痛極不可忍用乾漆半兩檳榔壹枚生用窰
老壹塊再煨細研三件一處為末空心熱酒調良
久取下蟲立愈窰老恐窰中煨過泥物也
又方用乾漆壹兩搗碎炒令煙盡出用新汲水入生
麻油空心調下

錢氏安蟲丸 治上中二焦虛或胃寒蟲動及痛

乾漆炒烟盡 雄黃壹分 巴豆霜壹錢

右為細末糊丸如黍米大量兒大小服之取東引
石榴根煎湯下或苦楝根或蕪荑湯下五七丸至
二三十九發時服

蕪荑散 主治同前凡小兒痛時便高聲啼叫人中

上鼻頭唇口一時黑色脉法當沉弱而弦今反脉
大是蟲證也

白蕪荑 乾漆炒各等分

右為細末每服一字或五分或一錢米飲調下發
時服

使君子丸 治腹內諸蟲作痛口吐清水

使君子肉薄切屋瓦煨乾 檳榔 酸石榴根皮向東

者佳洗到淨 大黃半生半炮各米錢半

右除檳榔剉曬不過火餘三味再焙同檳榔為末

沙糖水煮麪糊丸麻仁大每服三十丸至五十丸

淡豬肉汁空心下或雞肉汁亦好

化蟲飲 消化蟲毒在腹作痛

檳榔

酸石榴根皮

淨洗焙乾

紅丹

雷丸

貫衆 如雞頭者佳

使君子肉

薄切焙各貳錢半

甘草

枳殼

去瓢麩炒微黃

大黃

各伍錢

右爲細末用清油煎雞子一枚如春餅樣候冷抄藥末一錢於上攤勻空心捲而食之兒小者用糯米粉水煮糊丸粟穀大每服十五粒至三十丸以

淡豬肉汁空心下雞肉汁亦好

二聖丸

治腹內諸蟲及消穀逐水下氣去風

檳榔

壹兩

巴豆

拾伍粒去殼膜心大者存油

右檳榔剉曬爲末巴豆碎切在乳鉢內極細杵仍入檳榔末同再杵勻麪糊丸葉豆大每服七十七丸至九十九丸用溫茶清五更初空心止一投藥見蟲下盡進以稀粥自安

鎖肚痛

曾一月後嬰孩忽乳不下咽肚硬如石赤如

朱撮口而哭面青唇黑手足口氣俱冷是也始因斷臍帶不緊爲風冷所乘證亦危急以白芍藥湯

夏爾鎖肚痛

切丹

二

腹痛

梅散一字金臍風投之日久則難愈更參考臍風證
內議論

烏梅散 治腹疼及初生嬰孩臍下冷痛疝氣等疾

烏梅去核

玄胡索

粉草半生半炙

乳香

沒藥

釣藤各貳錢半

右件咬咀每服二錢水一盞煎七分空心温服

盤腸內釣痛湯 小兒腹痛曲腰乾哭無淚面青白唇

黑肢冷為盤腸內釣凡有此證急煎葱湯淋洗其腹

揉之葱熨臍腹間良久尿自痛中出其疼立止續次

服藥

乳香

沒藥各少許透明者細研

右件木香一塊於乳鉢內磨水一分滾數沸調乳

沒末此藥只一服效

薛小兒盤腸氣者痛則曲腰乾啼額上有汗皆由肝

經風邪所搏也肝腎居下故痛則曲腰乾啼者風燥

其液故無淚也額上有汗者風木助心火也口閉足

冷者脾氣不營也下利青糞者肝木乘脾也皆由產

下濕洗受風冷所致當服釣藤膏之類若乳母及兒

受寒邪者用沉香湯之類若兒額間有汗口閉脚冷

乃虛寒也用當歸散見前或沉香降氣湯之類若面

臍風

又

三

赤唇焦小便不通小腹脹痛者乃小腸熱也用人參湯送下三黃丸裏熱若因乳母飲食停滯者用保和丸宿食懷抱氣鬱者加味歸脾湯驚悸怒動肝火者加味道遙散虛熱子母俱服竝佳

內釣

乳香研

沒藥研

木香

薑黃各肆錢

木鼈子仁貳拾壹箇

右先將後三味同為細末次研入上二味煉蜜和成劑收貯每一歲兒可服半皂子大餘以意加減

魏香散

煎釣藤湯化下無時次用魏香散

蓬木半兩

阿魏壹錢

右先用溫水化阿魏浸蓬木一晝夜焙乾為細末每服一字或半錢煎紫蘇米飲空心調下

蒜乳丸 治冷證腹痛夜啼

大蒜壹稔慢火燉香熟研爛

乳香另研伍分

右研為丸如芥菜子大每服七粒乳汁送下
異香散 治小兒諸般吊證角弓反張胸高臍凸
用透明沒藥一味為末薑湯調下

瘕瘕痛 曾瘕瘕痛乃積久所致由榮衛俱虛外則感受風寒內則過傷乳食停滯既久不能消化故邪併於陰為瘕陰則專靜凝而不移邪併於陽為瘕假物象形動而不息若久而不治亦成脾疝積或兩脇間有塊如石按之則痛不按則輕或面黃肌瘦肚硬而脹及有青筋晝涼夜熱蒸潮無時乳食減少愛喫泥土或大便釀瀉痛則身冷如冰法當調脾養胃用醒脾散 慢驚 參苓白朮散 食不乳 磨積理疝用化癖丸 癖 三稜散 宿食 木香莪朮丸 宿食 治釀瀉沒石子丸 瀉 沉香檳榔丸 癖積 然此積滯之疾非七劑可療必須

次第調理則日久自然平復

瘕痛 曾始則腹內一小長塊其硬如管從腰纏轉或左或右良久痛甚則見於皮下不妨乳食其證先因有疾表解未盡遽爾下之太過氣虛寒搏鬱結而成法宜益氣理虛用參苓白朮散 食不乳 沉香檳榔丸 癖 木香莪朮丸 宿食 為治或間投白芍藥湯 加 人參茯苓水薑煎服

癖痛 治法詳癖門 按瘕瘕瘕癖四證大同小異治法亦無大分別似不必瑣瑣作名亦可也

吊腎偏墜痛證治在陰腫門

寒疝痛證治在疝門

補虛芍藥甘草湯 治出疹肚疼腹滿小便不通

芍藥 壹兩 甘草 貳錢半

右剉散白水煎服

聖惠人參散 治小兒卒吐下腹痛不止

人參 去蘆頭 當歸 剉微炒 各半兩 甘草 炙微 赤剉

乾薑 炮裂 黃耆 剉各壹分 細辛 壹分

右件藥搗麤羅為散每服一錢以水一小盞煎至五分去滓稍熱服量兒大小以意加減頻服

錢乙附方和中散 和胃氣止吐瀉定煩渴治腹痛

思食

人參 去蘆

白茯苓

白朮

甘草 剉炒

乾葛 剉

黃耆

白扁豆 炒

藿香葉 各等分

右為細末每服三錢水一盞乾棗二箇去核薑五片煎至八分食前溫服

外治 莊氏家傳小兒未能語啼哭不能辨者當以手候其腹如有實硬處即是腹痛治之方研生薑取汁煖令溫調麪成糊塗紙上貼臍心立定

復痛補虛外治

刀斗牛

百四七

今按此論脾胃虛弱之症，其病之源，由於飲食不節，勞傷過度，以致脾胃氣虛，不能運化水穀，故見腹脹、泄瀉、不思飲食、四肢無力等症。此等虛弱之症，不可用攻伐之藥，而當用溫補之劑，以助脾胃之氣。如用參、朮、苓、桂、白朮、白芍、甘草等藥，煎湯服之，自然氣血充足，脾胃健旺，諸症自除。此乃治脾胃虛弱之正法也。

腹脹

錢腹脹由脾胃虛氣攻作也實者悶亂喘滿可下之
 用紫霜丸白餅子此言未下而喘者為實故可下若
也紫霜丸白餅子誤下而喘者為虛氣附肺不可下
 子二方見不喘者虛也不可下若誤下之則脾
 虛氣上附肺而行肺與脾子母皆虛肺主目胞腮之
 類脾主四肢母氣虛甚即目胞腮腫四肢黃色治之
 用塌氣丸漸消之未愈漸加丸數不可以丁香木香
 橘皮荳蔻大溫散藥治之何以然脾虛氣未出故雖
 腹脹而不喘可以溫散藥治之使上下分消其氣則

腹脹

初年

百三

愈矣若氣虛已出附肺而行即脾胃內弱每生虛氣入於四肢面目矣小兒易為虛實脾虛則不受寒溫服寒則生冷服溫則生熱當識此勿誤也胃久虛熱多生疸病或引飲不止脾虛不能勝腎隨肺氣上行於四肢而目腫若水狀腎氣漫浮於肺即大喘也此當用塌氣丸病愈後面未紅者虛衰未復故也此下故宜塌氣丸若未下而喘宜下之治腹脹者譬如行兵戰寇於林寇未出林以兵攻之必可獲寇若出林不可急攻則必有失當以意漸收之即順也寇未出林謂虛氣未出而不喘不自胞臃腫故可用丁香香木香大溫散藥上下分消其氣而愈也寇已出林謂虛氣已出為喘為目臃腫

塌氣丸漸消之治小兒虛腹脹先服塌氣丸不愈腹中有食積結糞小便黃時微喘脉伏而實時飲水能食者可下之蓋脾初虛而後有積所治宜先補脾然後下之後又補脾即愈也不可補肺恐生虛喘潔古腹脹虛實凡久病吐瀉之後虛則其脉微細肺主目胞及腮脾主四肢若色淡黃目胞腮虛腫手足冷先服塌氣丸後服異功散和中丸四君子湯益黃散之類用諸溫藥養真氣異功散和中丸四君子湯三方並見吐瀉實則脉洪實不因吐瀉久病後亦不因痢下腹脹而喘急悶亂更有痰有熱及有宿食不化而腹脹者宜

復長

方十七

百三

服白餅子大黃丸解毒丸下之兼須詳認大小便如
都不通先利小便後利大便白餅子方見癰疽解毒丸
傷寒雲岐云小兒熱結於內腹脹壯熱大便赤黃躁
悶煩亂者宜瀉青丸

薛東垣云寒脹多熱脹少皆主於脾胃虛者宜用六
君子湯若喘而氣短者脾肺氣虛也用異功散補之
若服尅伐之類而喘脹益甚者脾肺之氣復傷也用
前湯加半夏升麻若既下而不喘則邪氣去而肺氣
寧也不必用藥或病久小便不利或四肢浮腫者脾
肺之氣虛不能通調水道也用金匱加減腎氣丸主

之或手足逆冷睡而露睛脾胃虛寒也用六君子湯
炮薑手足不冷睡而露睛脾胃虛弱也用六君子湯
若面色青木尅土也用六君子湯香柴胡更當調治乳
母節其飲食恐藥餌過劑復傷胃氣故也 一小兒
腹脹面赤痰喘大便秘壯熱飲冷此形病俱實用紫
霜丸一服諸證益甚面色頓白飲湯不絕余以為邪
氣退而真氣復傷故面白而喜湯用白朮散大劑煎
湯令恣飲良久而睡翼日頓安 一小兒傷食腹脹
胸滿有痰余治以異功散而痊後復傷食腹脹兼痛
或用藥下之痛脹益甚而加氣喘此脾胃傷而致肺

虛也用六君子加桔梗調補而痊。一小兒腹脹惡食發熱惡心證類外感余曰此飲食停滯也用保和丸一服諸證頓退惟腹脹用異功散而痊。一小兒傷食腹脹服剋伐之劑小便澀滯又服五苓散之類飲食漸減小便不通四肢頓腫余朝用金匱腎氣丸去附子夕用補中益氣湯而安。一小兒腹脹大便青白腹左下塊面色痿黃齒齲赤爛食少滯頤余用異功散調補中氣為主佐以大蕪荑湯清疳治熱月餘諸證稍愈仍服異功散及蚬蟆丸外貼阿魏膏兩月塊消左脇微痛用四君子湯九味蘆薈丸而愈。

百問云有疳脹氣脹癥積脹鎖肚脹腕膈脹食臃脹就脹虛冷積脹其疳氣積脹宜先與保童兼塌氣以去之其痞癖氣脹癥積脹宜三稜以消痞其鎖肚脹宜與珍珠天麻丸以通之其上膈中脘食傷膨脹宜三稜塌氣大茱連丸以消磨之其就脹宜下蟲丸以化之其虛冷積脹宜沉香煎以溫之以上諸證宜調和胃氣消磨通利腫脹必然平復矣如有熱者必以葶藶牽牛等輩以治之推氣丸劑亦可用。按百問分證雖詳而偏於攻下若無錢張活法薛氏補法以主之鮮不殺人慎之。

虞塌氣丸

胡椒 壹兩

蝎尾 半兩

右為末糊丸如粟米大每服五七丸至一二十丸
陳米飲下無時一方有木香壹錢
錢氏潔古所用塌氣丸乃此二味不可誤用後有
牽牛者慎之

本事調中丸 治小兒久傷脾胃腹脹

乾薑

橘紅

白朮

茯苓

木香

砂仁

官桂

良薑 各等分

右細末糊丸如麻子大每服二三十九丸食後熟水
下

聖惠治小兒脾虛腹脹不能乳食訶梨勒丸

訶梨勒

煨用

厚朴

去麤皮塗生薑洗炙令香乾

陳橘皮

湯浸去白焙各半兩

乾薑

炮裂

甘草

炙微

木香

白朮

人參

去蘆頭各壹分

右件藥搗羅為末鍊蜜和丸如麻子大每服以粥
飲下五九日三四服量兒大小加減服之

張氏溫脾散

治脾胃虧損腹脇虛脹乳食不進困

倦無力

訶子肉

人參各米錢

白朮

木香

桔梗

茯苓

藿香

陳皮

黃耆各伍錢

甘草各貳錢半

右每服二三錢薑棗水煎

冷積

沉香煎

治脾氣冷積

乳香

沉香

丁香

杏仁炒

百草霜

木香各壹錢

肉豆蔻壹箇煨

巴豆拾肆粒出油如霜

右為末酒煮蠟和九菴豆大每服三五丸淡生薑湯送下應患肚痛不止服之效常服以通為度

疳

三因肥兒丸

治小兒病多因缺乳喫食太早所致

或因久患藏府胃虛蟲動日漸羸瘦腹大不能行

髮豎發熱無精神

黃連

神麩各壹兩

麥芽炒半兩

木香貳錢

檳榔叁箇不見火

使君子

肉豆蔻麩裏煨各半兩

右為末糊為丸如桐子大每服三二十丸量兒加

減熟水吞下

六神丸 治如前證

丁香

木香

肉豆蔻

用麩裹煨 各伍錢

訶子

煨去核 半兩

使君子

蘆薈

研各 壹兩

右為末以棗肉和丸如麻子大每服五丸至七丸

溫米飲下食前

治小兒疳病或腹大

胡黃連

貳錢去 果積

阿魏

壹兩半 去肉積

神麩

貳錢去 食積

黃連

貳錢去 熱積

麝香

肆粒 通竅

右為末每服十二粒白木湯下

褐丸子 治疳腫脹

蘿蔔子

壹兩 微炒

陳皮

青皮

檳榔

五靈脂

蓬木

黑牽牛

取淨末半 生半炒

赤茯苓

各半 兩

木香

貳錢 半

右為末麩丸棗豆大每服十五丸紫蘇葉或白

湯下

五疳保童丸

治五種疳疾

五倍子

生

青黛

夜明砂

布裏 洗

苦楝根皮

蘆薈

熊膽

研入

黃連

去毛

龍膽草

生用

乾蟾

酥炙去 皮骨

麝香 研入

蕪荑 取仁

蟬退 去土各等分

右末用粟米糊為丸麻子大一歲兒二十九飯飲
下二三服

幼科有丁奚哺露無辜等名其證腹大頸小黃瘦皆
疳脹之異名也輕則為此重則為彼耳今仍舊別立
門於疳後

氣楊氏塌氣散

治小兒腹脹氣喘體腫面浮

陳米 壹合炒黃

青皮 去穰巴豆貳拾壹粒炒黃色去巴豆

甘草 炙各半兩

黑牽牛 貳錢半半生半炒

肉豆蔻 貳箇煨香

右末半錢米飲調下加檳榔壹箇

塌氣丸 治小兒疳氣腹脹喘急并面浮腫

丁香

胡椒 炒各伍錢

蘿蔔子 炒

白牽牛 各半錢半

右為末麪糊丸小豆大三歲三十九米湯下

塌氣散 治小兒腹脹氣麤并疳疾相攻面目浮腫

木香 壹錢

青皮 半兩

巴豆 參拾粒同炒豆黃色

去巴豆

右為末三歲半錢米湯下食前連進即效

分氣飲 治小兒腫脹作喘氣短而急

復長氣

切科七

重臣

服用

桔梗 赤茯苓 陳皮

桑白皮生 大腹皮 枳殼炒

半夏麩 真蘇子微炒 紫蘇

甘草炙各 貳錢 草果仁壹錢

右判散每服一錢半薑棗煎服

癥積

三稜煎丸 治嬰孩食傷生冷甜膩毒熱等物脾胃

積滯久不尅化令兒肚熱脚冷痞癖寒熱及癥瘕

痕中腕不和膨脹上膈氣壅心腹不得宣通所以

作疾此藥溫良但是諸積滯食不化並宜與服

京三稜成塊 煮 蓬朮並炮各 半兩 芫花貳錢 醋浸炒

大阿鼈甲去裙米醋 炙焦半兩 淡豆豉貳錢 巴豆貳拾壹 粒去殼

山川當歸半兩 杏仁去皮尖 炒令赤 貳錢

右前四味一處以米醋一碗煮令乾仍用炒起更

細剉焙為末次入當歸末杏仁巴豆淡豆豉和勻

水煮麩糊為丸麻子大每服二十丸薑湯下大小

加減服之

三稜丸 治小兒停積腹脇脹滿乾嘔惡心全不入

食

三稜煨 木香 神麩炒

陳皮去白 半夏薑汁製 各壹兩 丁香

良長癥積

方斗七

五

官桂 各半

右為末麩糊丸如黃米大一寸丸乳食後溫生薑湯下

阿魏丸 治小兒食積腹如蜘蛛狀肚痛小便白濁

阿魏 醋浸一宿 研如泥 黃連 炒 連翹 各半

花碱 研如粉 參錢 山查肉 壹兩 半夏 皂角水浸 一宿壹兩

右為末炒神麩糊丸如荀子大每服二十九空心

米飲下喫果子多者加胡黃連米食多者加神麩

山查肉食多者加阿魏

又阿魏丸

阿魏 壹兩

黃連 酒煮 陸兩

右為末醋浸阿魏一宿研如泥湯浸蒸餅丸如元氣不足加入參

小阿魏丸

山查肉 參兩 石碱 參錢 半夏 壹兩

右為末阿魏半兩醋浸糊丸白湯下

鎖匙 真珠天麻丸 治急驚風請量用之以通為度此方

仍治吊腸鎖匙撮口至妙丸如麻子大初生患者

三日三丸五日五丸七日七丸加青黛名青黛丸

天南星 炮 天麻 白附子 炮各貳錢半

復長鎖匙

臍粉 半錢

巴霜 壹字

蕪荑 炒

全蝎

滑石 各壹錢半

右為末煮細麪糊丸如麻子大每服一歲五丸二歲十丸大小加減薄荷湯點茶清送下

胎膈食膨

大茱連丸 治小兒飲食過度胸膈膨脹上下氣不

宣通鬱滯迷悶情思少樂大則作喘飲食不化作渴煩躁坐卧不任肢體倦怠腹脇疼痛

蓬朮

京三稜 各貳錢半醋煮乾薑 炮

青皮

陳皮 去白 木香

丁香 各叁錢

巴豆 貳拾壹粒去膜心出油

綠細小茱萸 貳錢

右為末醋糊丸麻子大每服七丸至十丸大者加服生薑棗子湯下

蛔

下蟲丸 治蛔疳諸蟲

苦楝根皮 酒浸焙

綠色貫衆

木香

桃仁 浸去皮焙

蕪荑 焙

雞心檳榔 各壹錢

鶴蝮 炒

輕粉 各半錢

乾蝦蟇 炙焦叁錢

史君子 伍拾箇煨

取肉用

右為末飛麪糊丸麻子大每服二十九天明清肉汁下內加當歸川連各貳錢半治脊疳兼疳勞

長期

方

行

用服

遇僊丹 治諸蟲取諸積

牽牛 叁斤

大黃 肆兩

鶴蝮

乾漆 各貳兩

皂角 肆條

大腹子 貳斤

雷丸 肆兩

青木香

錫灰 各貳斤

右後四味煎水用粟米煮粥初用牽牛末次用大腹末三用錫灰四用大黃五用雷丸六用青木香和劑丸如梧桐子大每服五七丸丸用薑湯熟水送下 此藥專治男子婦人積蟲氣塊五勞七傷赤白痢疾便血注下皮黃水腫十般氣十一般惡蟲又進飲食除病悅顏色不與他藥相友四季可

實者分氣消積

服細末三四錢量大小加減服時不喫晚飯三更用茶清下次早桶子內蟲積及粒米盡方可洗面温粥補之傷寒孕婦不可服 東垣治脹不犯上下二焦用素問中滿者寫之於內之法實者分氣消積虛者升陽滋血治者當師其意而活用之勝前所用排擊諸方遠矣 中滿分消丸

黃連

枳實

厚朴 各伍錢

乾薑

薑黃

豬苓

砂仁

澤瀉

茯苓 各叁分

長

方

分

陳皮 白朮各壹分 半夏肆分

黃芩壹兩 貳錢 甘草壹分

右為細末蒸餅為丸如黍米大每服二十九溫酒送下

消痞丸 快利之劑

黃連半兩 枳實 黃芩

甘草 人參各叁錢 厚朴柒分

乾薑肆分 橘皮壹錢 薑黃伍分

右為細末蒸餅為丸如黍米大每服二十九隨乳下

腹脹

蘿蔔子 蘇梗 乾葛

陳皮各等分 甘草減半

如食減加白朮煎服

虛者 升陽 滋血

升陽滋血湯 二月間一小兒未滿百日病腹脹不

大便二日便瘦弱遍身黃色宜升陽氣滋血和血

補血利大便

蝎稍貳分 神麴叁分 厚朴

當歸各壹錢 桃仁拾箇 升麻叁分

右作一服水一盞煎至半盞去渣食前服

夏長 力 夏

麻黃升麻湯 治小兒面色痿黃腹脹食不下正月

四月小兒服之神効

麻黃貳分

桂枝

杏仁

吳茱萸

草豆蔻

厚朴

麴末

羌活

白茯苓

升麻根

蒼朮

澤瀉

豬苓

陳皮

黃蘗各壹分

柴胡根

白朮

青皮

黃連各伍分

右咬咀作一服水一大盞煎七分去渣分三服

水腫

演山腫脹二證此由虛中有積久患失治日漸傳變
證候多端隨輕重察盛衰審表裏以主治先固其本
後正其標斯無恙矣 錢腫病腎熱傳於膀胱熱盛
逆於脾胃脾虛而不能制腎水反尅脾土脾隨水行
脾主四肢故流走而身面皆腫也若加喘者重也何
以然腎水勝而尅退脾土反勝心火心又勝肺肺為
心尅故喘或問曰心刑肺肺本見虛今何喘實曰此
有二一者肺大喘此五藏逆二者腎水氣上行傍侵

水腫

四十一

道

於肺故令大喘此皆難治

曾氏治法

原腫病之由標本之疾腎主元氣天一之水生焉肺主冲化地四之金屬焉腎為本而肺為標皆至陰以積水其為病也腎者胃之關鍵關鍵不利樞機不轉水乃不行滲於脉絡皮膚而為浮腫當推究内外所因而為施治兒大者憑脉以明虛實古方有十種論證短氣不得卧為心水兩脇緊痛為肝水大便鴨溇為肺水四肢苦重為脾水腰痛足冷為腎水口苦咽乾為膽水乍虛乍實為大腸水腹急肢瘦為膀胱水

小便閉澀為胃水小腹急滿為小腸水然脉浮為風為虛沉伏為水病沉則脉絡虛伏則小便難即為正水脾脉虛大多作脾腫因循不治乃成水腫蓋脾屬土喜燥而惡濕常感濕氣濕喜傷脾血化為水土敗不能制水則停蓄不行留滯皮膚故作浮腫初得病時見眼胞早晨浮突至午後稍消以羌活散赤白疎解次醒脾散慢驚主之及間投南星腹皮散其脾冷困則燥以草果縮砂之類然此證夏與秋冬治之頗易惟春不然蓋四時之水無如春水泛溢兼肝木旺而脾土受尅不能受水所以難療進退不常須徐徐

調理取効。若脾熱而困，又以熱藥燥之，雖火能生，王亦可勝水，奈何燥之太過，土不敵火，則熱愈甚，而不食發熱，煩渴醫者，又進之以燥劑，由此而面自轉，浮致脾敗，而手足背皆腫，蓋手足背與臍凸，即脾之外候，有未經發表，遽用下藥，以瀉之，則一瀉而腫消，乃曰得瀉之力，殊不知脾愈瀉而愈虛，不逾旬月，其腫如初，此世人只知瀉腫為最，而不求其十補，勿一瀉之論，法當隨四時用藥，解表通利，小便春以七寶散，傷寒加麻黃桂枝赤茯苓水薑蔥煎服，夏以五苓散，驚加麻黃車前子薏苡仁，秋以清肺飲，嗽加羌活

細辛商陸冬以沖和飲，傷寒加白朮生川烏赤小豆，已上三藥並用水薑蔥煎，次投滋潤救脾導水湯劑，滲泄之乃為良法，更以香陸胃苓丸赤蒼飲頓服，自然獲安，蓋內經云開鬼門，發汗潔淨府，利小便，平治權衡以平為期，此之謂也。有初中便覺痰嗽氣喘，小水不通，正屬肺腎所主，先服解表散，咳嗽次以三白散為治，餘證輕者，投商陸丸，故經曰其高者因而越之，即湧吐之義也，下者引而竭之，即滲泄之義也，凡得此病，非一朝一夕之故，不可以孟浪之藥求其速効，以致虛脫，如愈後再感外風，滿面虛浮，用排風

水腫 初起 看症

水腫

卷之七

百三

湯驚癰和鶴膝解仍眼前救脾湯劑免致反復飲食之忌
惟鹽醬蠶鮮濕麩皆味鹹能溢水者併其他生冷毒
物亦宜戒之重則半載輕者三月須脾胃平復腫消
氣實然後於飲食中旋以燒鹽少投則其疾自不再
作故劉氏曰治腫非易補養尤難所忌者切須詳審
有經久不消者下濟川丸即效

南星腹皮散 主腫疾欲愈未愈之間脾胃虛慢氣
促痰喘腹脹胸滿飲減精神困小便不利面色痿
黃

南星 兩 製壹

大腹皮 淨洗 焙乾

生薑皮

陳皮 去白

青皮 去白

桑白皮 剉炒

甘草

扁豆 炒去殼 各半兩

右碎每服貳錢水一盞薑二片煎七分無時溫服
香陸胃苓丸 治腫疾日久不愈此藥大能實脾導

水多服取効

丁香 去梗

商陸

赤小豆

陳皮 去白

甘草 各 貳兩

蒼朮 米泔水浸 宿去麤

皮瀉乾剉片 炒微黃色

澤瀉 去麤皮 各 貳兩半

赤茯苓 去皮

豬苓 去皮

白朮 各壹 兩半

肉桂 去麤皮 壹兩

厚朴 去麤皮用生薑汁炙令香熟貳兩

水腫

卷之七

百三

右除丁香肉桂不過火餘藥剉焙同二味爲末同
麩微炒水浸透煮糊丸菜豆大每服三十丸至五
十九或七十七丸空心溫湯下兒小者丸作粟穀
大吞服之粒數引子並如前法

赤蒼飲 主脾胃因虛受濕面貌浮黃或遍身作腫
飲食減少氣不升降小便赤色肚膨脹咳嗽有痰
及腫嘗服神效加草果仁炮過水薑棗煎投

赤茯苓 去皮 蒼朮 去麤皮米泔水浸一宿濾
枳殼 製壹兩 藿香 和根 半夏 湯煮透
淨香附 兩 紫蘇 和梗 厚朴 去麤皮薑

陳皮 去白各半錢 甘草 炙壹兩
右剉每張二錢水一盞薑二片煎七分無時溫
服

三白散 解初中腫疾四肢膚囊浮脹大小便不利
皆因膀胱蘊熱風濕相乘

白牽牛 半生半熟炒杵碎 桑白皮 剉炒 白朮
木通 去皮 陳皮 去白 甘草 各半兩

右碎每服二錢水一盞煎七分無時服
商陸丸 治水腫小便不通勿拘遠近
商陸 壹兩 淨黃連 半兩

右焙為末薑汁煮麩糊丸棗豆大每服三十丸至

五十九丸用温紫蘇熟水空心下或温葱湯

瀉川丸

治水肿及單腹滿脹氣促食減遍身面浮

大戟

檀香

南木香

沉香

蓬莪朮

大腹皮洗焙乾

桑白皮剉炒各半兩

黑白牽牛

曬研取生木壹兩

巴豆去殼膜心存油叁拾

伍粒

右除牽牛末巴豆外前九味内有沉香檀香木香檳榔不過火餘五味焙乾同沉香等為末就加牽

牛末和勻巴豆碎切在乳鉢内極細杵入前藥末

同再杵勻水煮麩糊丸麻仁大每服十七丸濃煎

葱湯候温五更初空心下去米末盡停一日減用

十三丸次減作九九再減至七丸湯使下法如前

證退即止仍投南星腹皮散如單腹腫甚能飲食

氣壯者加甘遂末同丸取效仍忌有甘草藥餌相

反

演山翁治法

受濕腫脚手面日虛浮

食毒氣腫腹肚腎急

傷寒虛氣入

腹腫 瀉痢虛氣入腹腫

此四種所患病不相同

水腫

刀針

卷七

皆由虛得之受濕謂脾胃受濕冷久不尅化氣浮四肢頭面皆腫食毒氣由脾胃傷之冷積毒氣停留胃腕致虛入腹作腫傷寒由下之太早乘虛入腹作腫瀉痢之久脾氣亦虛是以致腫以上宜平調胃氣補臟充實方可去腫先服四味理中無減半乾薑加白朮桑白皮同煎傷寒虛腫加枳實作喘加淡豆豉瀉痢虛腫服正氣調胃胃氣既壯以救生丹利之其腫即退再調補臟腑用觀音散即平復矣

氣虛腫亦名血虛腫榮衛俱虛腫亦名血虛腫小兒所患腫脹一門最為要急前人少有究竟然腫

脹之作皆由榮衛不順臟腑怯弱壅滯三焦流注百脉表裏俱虛邪正相亂所以致受四大浮盛腹肚膨滿多由食毒得之飲食得之癥傷得之饑飽得之積久不化故成斯病病由虛得或則妄亂通下因虛致虛根不得去疾加已盛是謂壞證危候智者怯而為辭庸者暴以攻擊二醫不同誠屬難治智者商之良者審之疑者塌之疑其病盛不可利只與塌其氣明者調之正榮衛也先調榮衛之順次服分氣飲子以散其滯斯病去矣榮衛飲子 調補嬰孩氣血俱虛榮衛不順四肢頭面手足俱浮腫以至喘急者並宜服之

川當歸 熟乾地黃淨洗 人參

白茯苓 川芎 白朮

甘草炙 白芍藥 枳殼炒別製

黃耆蜜炙 陳皮

右件等分咬咀每服二錢匕水一小盞煎至半盞去滓通口不拘時候

議曰榮者血溫流行於脉衛者氣順調和於絡是故榮行脉中衛行脉外陰陽相安循環無止自初至長不離呼吸無少滯礙其脉方調其氣乃順呼吸之間脉不應息氣有違滯流注經絡隱伏臟腑

百病皆由茲始此方最良雖兒幼小並可與服以壯其根使血榮氣衛順且和矣腑寒臟虛溫且壯矣盈虧自然而平怯弱自然而正陰陽調均氣脉充實何病之有

分氣飲子 調理小兒腫脹作喘氣短促急坐卧不在四體浮腫飲食嘔逆神困喜睡

五味子 桔梗 白茯苓

甘草炙 陳橘皮 桑白皮

草果去殼 大腹皮 白朮

枳殼去穢切炒 川當歸 紫蘇

水種 切半七 煎法

蘇子

半夏麴

右等分咬咀每服三大錢匕水一小盞生薑二小片棗子半箇煎至半盞去滓通口不拘時候兼八味理中丸煎服 以上宜用救生丹通利 議曰清濁無混邪正不干上焦得之清涼下部受之溫煖氣滯則少升降血虛則多流注雖是乳子呼吸一息其脉之至徐徐應指不遺其數者亦同大人流行但隨小大受之短淺而已若也留滯其脉遲數即太過不及而病生焉善療治者鬱則分之逆則順之停則利之滯則降之調理之法先宜

順氣大抵嬰孩氣順即易治此方分氣與分水穀之分者不同明者察之

大効神功救生丹

治小兒氣虛喘息四肢浮腫肚

腹脹急衝滿脇肋乍熱乍寒或瀉或秘皆由久停虛積榮衛不順宜用推去其惡毒之氣

雄黃另研

朱砂各壹分

巴豆貳拾壹粒去殼

乾薑貳錢

右件用米醋一盞以巴薑就煮令乾去薑不用將巴出油和雄朱研勻雪糕搜丸如麻子大每一歲三丸並用酒浸赤芍藥以少許送下

水種

切

言

薛氏治法

經曰至陰者腎水也少陰者冬脉也其本在腎其末在肺皆積水也又曰腎者胃之關也關門不利故聚水而從其類也上下溢於皮膚故肘腫腹大上爲喘呼不得卧者標本俱病也丹溪云惟腎虛不能行水脾虛不能制水胃與脾合又胃爲水穀之海因虛而不能傳化腎水泛濫反得以浸漬脾土於是三焦停滯經絡壅塞水滲於皮膚注於肌肉而發腫也其狀目胞上下微起肢體重着喘咳怔忡股間清冷小便澀黃皮薄而光手按成窟舉手卽滿是也古方有十

種論證又有濕氣毒氣傷寒後瀉痢後氣血虛者之五種及疴氣癥積鎖肚胸膈作膨蛔氣虛冷積者之七脹亦當詳之其受濕氣者由脾胃之氣敦阜四肢頭面皆腫也食毒者脾傷積毒停留於胃也傷寒下早者邪氣乘虛而入也瀉痢後者脾氣虛也皆宜先調胃氣次可治腫其患七脹皆由血氣不足臟腑怯弱表裏俱虛邪正相亂以致四肢浮腫腹肚膨滿亦當先調榮衛分別陰陽治法宜補中行濕利小便凡有熱者水氣在表也可汗之身無熱者水氣在裏也宜下之腰已上腫宜利小便腰已下腫宜發汗此仲

景之法也若遍身腫煩渴小便赤澀大便祕結此屬
陽水遍身腫不渴大便溏泄小便清利此屬陰水陽
水兼陽證者脉必浮數陰水兼陰證者脉必沉遲氣
若陷下宜用二陳加升提之藥如腹脹必加木香調
之若朝寬暮急屬陰虛朝用四物湯加參朮夕用加
減腎氣丸朝急暮寬屬陽虛朝用六君子湯夕用加
減腎氣丸朝暮皆急陰陽俱虛也用八珍湯主之真
陽虛者朝用八味地黃丸夕用補中益氣湯若肚腹
痞滿肢體腫脹手足並冷飲食難化或大便泄瀉呼
吸氣冷者此真陽衰敗脾肺腎虛寒不能司攝而水

泛行也急用加減腎氣丸否則不治准調補脾土多有生者

金匱加減腎氣丸

熟地黃 捌兩

乾山藥

山茱萸 各肆兩

澤瀉

白茯苓

牡丹皮 各叁兩

肉桂

附子 炮

車前子 炒

牛膝 酒微炒 各壹兩

右各另爲末米糊丸小豆大每服三四十九空心食前白湯下

附雜方

卷重

卷十一

三三

丹白文舉兒五歲身尚皆腫尿多

山梔炒

桑皮炒各壹錢

黃芩貳錢半

白朮

蘇梗各壹錢半

右吹咀作三貼水一盞半煎至半盞食前温服

湯退腫散氣方

赤小豆

陳皮

蘿蔔子

甘草炙各半兩

木香炮柴分

右為麤末薑棗煎服大小加減

又方

白朮炒

木香炮

甘草炙

茴香炒

青皮各半兩巴豆叁拾粒去膜同青皮炒去豆不用

右為末米飲調下

又方

用錢氏益黃散加木香去丁香加蘿蔔子去訶子為末大小加減米飲調下

幼科證治準繩集之七

重

九

六

長德寺...
 山...
 右...
 左...
 大...
 本...
 用...
 本...
 本...

[Faint, mostly illegible text on the left page, possibly bleed-through or very faded characters.]

